



**Хэвлэлийн мэдээ**  
2017 оны 9-р сарын 11

**Холбогдох утас:**  
9710-9009

**Жи-Мобайл ХХК “Америкийн Өдрүүд 2017” үзэсгэлэн худалдаанд  
өндөр хурдны интернэтийн үйлчилгээ үзүүлнэ**

УЛААНБААТАР, МОНГОЛ УЛС - Монгол дахь Америкийн худалдааны танхим (АмЧам Монгол)-аас Монгол дахь АНУ-ын Элчин сайдын яамтай хамтран дөрөв дэх удаагаа зохион байгуулж буй “Америкийн өдрүүд 2017” үзэсгэлэн худалдаа 9-р сарын 16, 17-ны өдрүүдэд Мишээл экспо төвд зохион байгуулагдах гэж байна. АмЧам Монголын гишүүн ба харилцаа холбооны салбарын тэргүүлэх компани Жи-Мобайл ХХК тус үзэсгэлэн худалдаанд албан ёсны интернэтийн үйлчилгээг үзүүлэгчээр хамтран ажиллах болсныг зарлахад таатай байна.

Жи-Мобайл ХХК нь Улаанбаатар, Дархан, Эрдэнэт хотууд, 21 аймгийн төв, 80 орчим сумдад болон томоохон боомтууд 3,99G сүлжээгээ нэвтрүүлж, Монгол орны нийт нутаг дэвсгэрийн 80 орчим хувийг 2G, 3,99G сүлжээгээр холбоожуулсан, нийт 500 гаруй мянган хэрэглэгчидтэйгээр үйл ажиллагаагаа явуулж байна.

Дэвшилтэт технологи болон инновацид суурилсан бүтээгдэхүүн үйлчилгээг тасралтгүй нэвтрүүлэгч тус компани нь харилцаа холбооны чиглэлд олон төрлийн үйлчилгээг харилцагчиддаа үзүүлдэг. Үүнд байгууллага, айл өрх болон харилцагчидад чиглэсэн өндөр хурдны шилэн кабелийн интернэтийн үйлчилгээ, урьдчилсан болон дараа төлбөрт үйлчилгээ, Жи-Интернет үйлчилгээ, хязгааргүй дата багц үйлчилгээ, болон Жи-Интернетфон үйлчилгээ зэрэг хэрэглэгчдийн хэрэгцээ шаардлагад нийцсэн үйлчилгээнүүд багтаж байна

Энэхүү 2 өдрийн үзэсгэлэн худалдаа нь АНУ-ын бараа бүтээгдэхүүнийг олон нийтэд нэг цэгээс танилцуулах, Монгол улсад дэлхийн чанар, стандартыг нэвтрүүлэн ажиллаж буй компаниудын үйл ажиллагааг дэмжих, хэрэглэгчдэд ойртуулах зорилготойгоор жил бүр уламжлал болон зохион байгуулагдаж байна. Зохион байгуулагдаж эхэлсэн цагаас хойш үзэсгэлэнд оролцогч аж ахуйн нэгжийн тоо болон үзэсгэлэнг үзэн сонирхогчдын тоо тасралтгүй өсөн нэмэгдэж байгаа бөгөөд 2014 онд 50 аж ахуйн нэгж оролцож байсан бол 2016 онд 90 гаруй аж ахуйн нэгж оролцсон юм. Үзэсгэлэнг зохион байгуулагчид энэ жилийн үзэсгэлэнг илүү өргөн дэлгэр хүрээнд зохион байгуулахаар ажиллаж байна.

**АмЧам Монголын тухай**

АмЧам Монгол нь АНУ-Монгол Улс хоорондын бизнесийн түншлэлийг өргөжүүлэх, бэхжүүлэх, эрх ашгийг нь хамгаалах болон Америкийн хөрөнгө оруулалтыг Монголд татах чиглэлээр ажилладаг бие даасан, гишүүддээ үйлчлэх төрийн бус байгууллага юм. АмЧам Монгол нь 3 сая гаруй гишүүдтэй дэлхийн хамгийн том бизнесийн холбоонд тооцогддог Америкийн Худалдааны Танхимын албан ёсны оффис юм. Мөн АмЧам Монгол нь Ази Номхон далайн 29 орнуудын Америкийн худалдааны танхимуудыг нэгтгэдэг Ази Номхон далайн орнуудын Америкийн Худалдааны Танхимуудын Зөвлөл байгууллагын гишүүн юм.